

心不生故不應食肉以殺生者見形起識深味著故不應食肉
彼食肉者諸天所棄故不應食肉令口氣臭故

凡食羶則口吐羶氣食腥味則口吐腥氣故不得證清淨地
不應食肉空閑林中虎狼聞香故不應食肉

聞香者聞腥羶之氣也人本不腥羶若食腥羶之肉則人身
始有腥羶之氣虎疑爲腥羶之物而食之世傳言虎食人見
人足而泣始知爲腥羶之誤也

凡食作食子肉想不應食肉聽食肉者無有是處

此言上乘大乘二乘四果凡夫俱戒食肉若許修行食肉則
敗修行功德故於五目禪類皆無是處

道藏輯要

仙佛合宗語錄

卷

畢集二

我說一切悉斷如來應供等正覺尙無所食

到等覺地位則齋素飲食尙且全然不食

况食魚肉視一切眾生猶如一子是故不令食子肉由此三經
觀之捷見身心切害則知不可不戒殺諸生戒食諸肉而仙佛
之貴於必戒者大約皆同於此

十八問曰仙教中有以點化成銀服食昇仙爲言者佛教中不
言此必此爲仙佛之所以異乎答曰不異然不異亦有所徵由
佛所言點化服食之說在華嚴經久矣經之七十八卷云有藥
汗名訶宅迦人或得之以其一兩變千兩銅悉成眞金者此點
化之言也又云有藥名大蓮華其有服者住壽一劫又云人服

延齡藥長得充健不老不瘦者此服食之言也

華嚴至大至尊之經所說不可不信此佛教化菩薩修佛之法乃有點化服食之說若對未除貪欲之凡夫則不言也故後世凡夫小乘終不解悟此理

仙之言者合言之曰點化服食分言之點化言外事服食言內丹

抱樸子云不得金丹不得仙也但服食草藥雜類而不知還年要術終無久生之理

若以外事爲便可服食昇仙則許旌陽真君首言服食飛昇者不必言臍內元氣結成丹谷神不死因胎息於石函記中不必

道藏輯要

仙佛合宗語錄

矣

畢集二
川上八

言元精藥母於可惜許歌中不必言男子修成不漏精女子修成不漏經

女子之經爲生人之始信亦爲自修成仙佛之信故女修者曰斬赤龍爲返經成炁與男修返精成炁者同一理

此既皆言內丹之理則外事服食不足飛昇也可知

張果真人云世上鉛汞祇有變化五金之功無能延生命之理海蟾之徒馬自然真人云九轉靈丹非五金若無神授恐難尋元陽子云未見飲食之人得終天命皆見少亡被所惑而自誤也

所以但稱爲點銀之仙術則知非爲身心性命昇仙之道也

許真君藥母論云丹道者非人間五金八石朱砂水銀之所爲也先天故爲元始精又荆山丈人解悟煉石之道無他妙也在委羽山能煉石成水以石水服之不能飛行虛空也煉石雖妙固小術耳了明篇云身中儘有延年藥可笑愚人向外尋

若必以外事言服食今亦舉其似者一言之比如昇打之靈藥皆金石類之所成也有服之以治愈梅瘡

予以靈藥治楊梅瘡七日愈十日半月一月而得除根愈者治愈結毒者

楊梅瘡服輕粉而發毒者

道藏輯要

仙佛合宗語錄

堯

畢集二

治愈痔漏者

痔漏九年不愈膿水不止者名曰漏凡九竅有大瘡者皆曰痔

治愈膈噎者

食膈止於口而喉不咽或咽過於喉而卽返吐出者我邱真人門下法眷有奇藥每服五釐或七八釐甚極者不過一分末爲一服止用三服或四服五服卽全愈

皆有痊效使病不促壽算而身可復生而久安病痊則宜速止多服則害大

此以上一段皆言金石靈藥之所用

唐宋多君妄信方士之詭言

方士者遊行十方之士也有此二等一者是棄家學道修仙誠心苦志岩棲穴處戒行精嚴遍訪仙師而遊十方不與世人交遊不爲世法染縛此仙佛真修之種子也二者是邪道光棍原無自修之志又無教人之能或爲衣食所逼或犯律罪而逃奔走十方以資身口之需以施拐騙之局遂使世之愚人貪財者受其煉銀點化之害貪色者受其採取女鼎之害望長生不死常享富貴者受其服食之害

以金丹外藥可服食服之不已而求長生

九霄君下降謂劉泓曰世人謂至藥服餌望長生不死不知

道藏輯要

仙佛合宗語錄

卅

畢集二

金丹諸石藥有大毒在中服之者從羲軒以來萬不存一未有不死者

中火毒而身裂而促算速斃又可鑒也

丹論訣旨云若大丹用石藥雜氣卽有大毒不堪服食能不食者爲妙強服致枉夭者百卽百矣誰能免一不夭受毒者宜用解藥須宜瀉吃防已葵菜甘草湯漸出之○元陽真人大丹篇云服丹火毒發速以甘草煎濃汁日夜漸呷之卽解火毒

故本草有云服金石藥多而中毒者以麥門冬湯解之

所用麥門冬去心六兩人參四兩甘草二兩炙三味共末蜜

丸梧子大日再服二錢米飲空心下

又云凡丹石藥服過多致食不下者以鷲粟殼和竹瀝煮粥日食之而安

丹經云有人服丹砂乳石硫黃紫粉等毒發者急服保仙丸可救性命又云四蒙未全不可服如悞服者覺毒發不安急服伏龍肝汁甘草湯生綠豆汁遂可不死

又方云如服金石藥中毒發瘡者以白礬末一茶匙將冷酒調下三服愈

還丹眾仙論云解丹毒方有名馭丹散者用麥門冬天門冬各去心淨四兩熟地黃五錢甘草一兩人參三兩白茯苓二

道藏輯要

仙佛合宗語錄

卷

畢集二
八二

兩紫苑二兩半去蘆頭地榆三兩半大赭一兩半海藻一兩
半山枝子四兩半共末每服二錢米飲空心下

卽以諸天真仙聖具有解服丹毒之方藥及醫家具具有解服金石毒之方藥而備觀之則丹藥不可輕易妄服食爲仙又當知也雖服之者有僅可救病延年之功效猶且難遇况於昇仙脫胎神通變化通天徹地之能絕然無有服之何益哉鍾離真人云訪仙求友學燒丹精選朱砂煉大還將謂外丹化內藥原來金石不相關又云內裏明時是至真外邊入者卽非親若教異物堪輕舉細酒羊羔亦上昇呂純陽真人云可惜九江張尙書服藥失明神氣枯不信還真本無質反餌金石何太愚太清修

丹祕訣云天地原爐卻在身陰陽不測謂之神元炁飛霜飛九轉還丹本是太和精皆言服外物爲理之必無也

妙解錄云今時好事者大修爐火爲金丹服食往往爲藥所誤醫救莫及所謂無非自戕之捷徑丹論訣旨云切不可信八石四黃而悞用之蓋本非長生之藥若硫磺有軟銅鐵之功礬石有殺虎豹之能豈堪服食而不爲毒害哉又有用曾青雌黃雄黃殺水銀令死以爲成丹亦非服食之理此世人互相謬傳者非聖真之良藥是也

又問旣言仙佛皆有服食之說是若謂爲有又云服外物爲理之必無是若決言爲無似兩其說之不同何也答曰非不同因

道藏輯要

仙佛合宗語錄

圭

畢集二
八上八

問二氏之故則述其皆言因古之有病者則用治無病者不用治故古仙不用者更多而用之者少也故詳辨之曰無能昇仙只可治病然仙佛言有服食如治老病與大瘡毒之異症祇求救死而延其年於暫非爲冲昇變化神通超劫之計服食之而後內鍊金液還丹如張天師之自修與茅真君度二弟及佛說延壽一切者觀之可知其半愚人遂棄其所實用之內而唯說服外者自愚之而又愚他人故也且仙是本性以見性而成仙出而顯神通亦性之靈運而神者也外物只可助形體而除病救死不能見性神通此理人所易曉後學聞此可不如是而究之乎今又指其內丹書之言服食者究之曰飲刀圭窺天巧又

曰一粒金丹吞入腹始知我命不由天又曰朝服一刀圭暮卽生羽翼又云只吞一粒金丹藥飛入青霄更不同王重陽真人云修持如會識金丹只要眞靈本性在馬丹陽真人云烹丹鼎下丹結中丹熱大丹涼不須煉白去燒黃自然玉性萬般霞彩射人光邱長春真人云修煉事地軸鎖天關出有人無三尺劍長生不死一丸丹究此眾仙眞之言而內丹服食益明矣若謂欲究何以有外丹之說且又言外丹點化成銀之術之有無與眞假者然此事也非世人可能此事亦非世間有此法傳乃神仙所以助修道之資而爲然者唯遇仙傳道者卽得仙兼傳術太清金液神丹經云此事皆祕其文非有求仙之志者固不

道藏輯要

仙佛合宗語錄

卷

畢集二
又川大

授也

所以皆謂之仙機若不遇仙無仙道者必不得傳仙術

魏伯陽云遇非人不得妄傳非人者行與理違若可得傳則人莫不傳於子孫

况無志修仙道而徒狂亂妄想苟求富貴者上蒼安肯以此仙術傳之耶

青霞真人云神仙鉛汞神水華池之道自軒轅以來不上文墨只仙傳祕訣心授靈符又云以聖傳聖以賢傳賢不遇眞人終無妙理楊行眞人云若教個個識黃芽世間那得有貧人抱樸子云丹藥若使凡人知天下神仙成羣矣

况志於拐騙愚人財寶之賊將何德以當天授又安能知能得仙術乎當知塵世凡夫俗子煉丹不成便可自醒自戒矣今之輕於言煉銀者盡屬拐騙之賊假託此術以拐騙人之財寶騙人之飲食但名方士

方士以遊行四方而不定居者拐騙此方逃避於他方而失主追捕之不能獲凡一方士必有一資身之法或有一醫方而能治奇病或有一銀方而造假銀以欺世故皆爲方士之所以名

非實有知能可言也

道門十規曰自秦漢以來方士競出若文成五利之以金石

道藏輯要

仙佛合宗語錄

書

畢集二
卷一

草木徒殺身取禍而無所成故世稱方術此見於史鑑爲儒門學者共見而士仕者反昧此而貪服食點化於金石草木不肯內修是誠何心哉

又問曰方士既非實有知能每聞其入門時亦能成銀可用者又是以何巧僞而爲能乎答曰全是假銀但可欺誑愚人而已或是僞造假物非銀而畧似銀形每欺人曰此銀也而使用害眾又或僞造假物稱曰丹藥私地墊入真銀於內名曰墊手

徧世間皆以此等尋訪外護出本銀燒煉皆提拐銀罐而逃故方士類中有諺云作方士提罐一人每有三個死凡提銀得手快活死逃出了門走個死追獲了打個死然墊手是方

士拐子總法

又有以銀制成灰如末藥便詐稱爲我已鍊成之丹藥點入銅汁中大火銷去銅而銀末復體爲銀愚夫俗子未能識破誰敢不信此二藝法也又有以銀制如銅樣詐爲出山生銅寄賣於店中或巧立爲異名令買者得之彼以不相干之藥詐點之銅亦復體爲銀淺見寡聞之初學誰敢致疑而識詐此三藝法也入門有成以取信於人者類皆如是而已無真能也但取信於人而人信之由貪鍊者之必遭其拐騙也其不貪鍊者任方士有多詐能而進身無地能明真丹經之理者則方士無投詐之隙而詐煉無所施矣再舉所以爲教者言之

道藏輯要

仙佛合宗語錄

卷

畢集二
川文川

此下一段皆言方士教人之法

或教人以草藥制水銀假死

丹經云諸般草木皆非道

配真銀爲用

玉清內書云用凡水銀爲丹者妄人也又云若用水銀爲金丹卽不是真丹

以水銀之質鬆浮不配不堅硬故也或教人制紅銅假白謂之紅銅皆去血配真銀爲用以紅銅之質雖能假白如銀而不能純白不配則不能去耀眼之黃色故也此物雖可像銀待用後煎傾點硝點鉛則假質猶然敗壞而復折去名曰掩暫爲其祇

能掩人暫時之目乃喪人心滅天理者爲之如是假法曰養砂不盜母者曰養砂盜母者曰青金曰白金曰青天硫曰黃天硫曰死硫曰死雄曰死砒曰死礪等三十六百餘門故海客論亦曾指其僞言所云秋石本河車黃芽一類及誑曰尿精聖無知乃鉛汞精髓妄曰青鹽更以萬般草木藥物或言出於河北或言產於三吳或言仙草在嶺南或言真藥在西蜀或言鷄子鉛出鄱陽湖

蓋鄱湖中有所謂大磯山小磯山妄呼磯字爲鷄而山荒絕無物產者又有指稱蜈蚣山出此鉛然此山在大磯隔水三五里許又名蛇山長故也乃水中一白沙土洲而已非山也

道藏輯要

仙佛合宗語錄

美

畢集二

高不踰一丈二三丈者耕種之地民衆之居絕無鉛穴乃方士妄言以欺遠方不見者與輕信者

或言真汞在辰州府

辰州在楚洞庭湖之西南有大山出硃砂以砂之藏石隙者入火昇出水銀方士乃指此世間之凡水銀妄真稱爲真水銀若可以凡稱真水銀豈又有名不真者乎可問方士以何物名凡水銀則欺人之說難行矣

盡是欺言皆無實理只謂延挨歲月久騙衣食今年等藥至明日藥未齊愚貪者不知盡被騙害而已

此上皆海客之論說

又太古真人還丹至訣云大丹受水火氣足以成若以雜石藥參雜意希化寶學浩劫而不成况百年短景而妄想成耶

昔施無疾真人責馬存曰子家金玉堆積尙不知足有奸僞者誑汝曰得藥爲黃金以爲飲器則神仙可得此誑者之欺言非通人之至論

唯吾輩修仙修佛以修德立行爲基者則不爲不用也

抱樸子云旣覽金丹之道則不欲復觀小小方書大還心鑑云物非其類丹必不靈心非合道雖成必禍

又問曰世人求丹法鍊銀者儘多果向何求而得有真又答曰全無眞法不必學鍊

道藏輯要

仙佛合宗語錄

老

畢集二
X118

張氲真人答唐明皇曰點化烹煉天命之斤草木金石腐腸之物不可學也

唯當苦志學道修仙則財與命可兼得矣

劉朗然曰盡求點化要肥家忘卻形枯改歲華

可授道者卽可授術道得在心則術亦可得在心也道可以了生死而不復生復死輪迴永絕道可以壽齊天地而超過天地之先後掌握乾坤造化而常極樂道可以撮土石成銀呵氣化金舉念得珍寶不必苦心勞力以求而自得者道可於自己性分中求之必得而非若外事妄求之而不得終爲虛幻者比抑何疑憚而不求道哉且我今言不必求鍊銀者亦有故有一等

貧窮人心甚濫惡謀學假銀欺人以供自給或幸得一假方詐稱遊訪外護拐騙財寶是拐騙之心皆起於家貧居窮之先方外遊行俗人不識尊經聖語仙書戒律人人皆是如此之類拐騙回家戴方巾穿色服造華屋買腴田娶嬌妻廣愛妾

用此不自招爲恣慾反誑人曰善能採補

養家丁稱相公逞富於人前何嘗以喪人心悖天理自愧自罪哉抑何嘗以蒼蒼有三宮九府風刀掠考九幽六洞獄治輪沉報應爲懼哉

道藏仙王教誡經云生入邪道自制一法敗黷道要以求利用賊滿罪積生身被考死入地獄永無出期

道藏輯要

仙佛合宗語錄

矣

畢集二
八〇八

而猶以其詐法出入仕門愚弄其士大夫之愚貪者而士大夫深以爲德而不疑不懼亦可笑可惜之甚也

士夫見其煉得似成而不知其不可成誠有感其教煉替煉之德此可笑也及其提拐逃走乃不悔其愚貪不悔失防守訟告有干無干之人逼勒追賠計亦遲且拙矣此又可笑也富不能強得且有富者石崇且滅家梁冀且覆族也故海客論爲彼惜之

方士者誰不借言誑眾曰某官某人我爲之煉成服食某官某人我爲之煉成黠化固爲惑人自薦計由是士大夫之貪愚益彰

聖人凡人學燒丹者甚多何故只說士大夫是愚貪蓋古之士大夫學丹亦多有成皆棄凡世事而誠心苦志以修行悟道故得遇真仙來度所以古云若是貪財并惜寶千萬神仙不肯來如許旌陽之能棄旌陽縣令者吳猛真人之能棄西安縣令如彭抗之能棄尚書左丞者如尹喜真人以東宮賓師遷函谷關令而棄者張天師道陵以巴郡江州令而棄者李老君以柱下史官而棄者黃帝之棄帝位者王子喬以太子而棄帝位者如劉覽之棄司徒太尉者晉之劉道成棄陳州刺史者齊之張三山棄大司空者如是數仙真者皆棄位苦身心而學道故得丹而成道由於仙傳若後世之士大夫

道藏輯要

仙佛合宗語錄

堯

畢集二
× 六川

居官而不棄官戀家而不捨家只願永得富貴坐得神仙無古人志行神仙望望且去之安肯顯身而度之哉不過只有方士之遇假法之聞而已益彰者方士相傳獲利必有無限方士巧詐謀進此身以展提計則其受害將亦不止於一矣不尤可恨耶此貧窮惡棍騙人利己之流皆如此又有一等富人家貲饒足初信方士詭言遂欲燒煉求爲大富盡遭提手騙法提罐騙窮以至壁立無措要知學燒丹者未有不破家赤骨而窮者亦以所聞假法轉爲訪護拐騙之謀此由自陷於不得已而亦謀爲提騙如久嫖之客便甘心爲烏龜之類是也舉世皆假絕無丹法絕無人知丹理更向何處求真雖苦求之亦不

可得我故曰世人不必求學

元陽子還丹歌云君看前後煉丹者誤殺千人與萬人又應
悟玄子還丹至藥篇云余好紅爐經三十載一事無成而後
知八石原無入聖功五金只是凡常物蓋學不究玄機理無
妙悟

又問曰方士中也有知言內丹不言外事煉銀者抑真知有內
無外乎又答曰總爲愚弄世人之言也此亦有二種人一者是
一心貪淫恣慾用女人爲鼎以採戰爲道無志於謀他事
誠業本行經云樂淫色者由先業六畜根未斷也

二者是本意謀外爲騙局其所以又言無外者爲其人被外事
拐騙之多有不再信之意故暫言無外以投其機入身以餌其
疑既入身則又漸漸言有外託言唯某處某人獨成點化致大
富而買官致大貴此法唯我能之我代爲之者也此所言能外
是計也非彼真言無外也亦非真有非真能非真代之也

光棍之口反覆無常普天之下皆是如此

當其言有內時亦必言用陰陽採取以陰爲身外之女人以陽
爲自己男身男媾女爲採取補我得長生之說此何故爲是言
也蓋自爲取淫慾之樂

好淫慾之人專學淫慾之事家貧不能得淫慾之具故爲是
採補之說以誑恣己之樂墮其計者可謂至愚之人

故先誘其淫樂動其愚心爲畜生聚麀之狀而不自羞縱是顯
宦名儒甘心入其局中自稱能事不顧外人之恥笑爲淫慾迷
惑之而已矣久之則又兼進外事而亦復遭其拐騙乃知初言
無外爲詐非真知言無外也後學者不爲此二種人所惑而能
信向真正清淨自然仙道則亦屢世積修心地光明仙階有證
者而後能之所以王重陽真人與馬丹陽真人十世同修皆遇
正道而不信邪說此世師徒同證是當爲後世之鑑者乎又問
曰今我欲言無外事何故古仙皆作丹書詳言精妙之理既有
丹書必有可爲之事請詳言之決後世疑又答曰古有此理而
今無此事仙有此事而凡世無可得此事之人若只信有丹書

道藏輯要

仙佛合宗語錄

全

畢集二
八上川

爲必有事殊不知真書少而假書多假書者棍徒捏爲拐騙具
以欺世而取證如許行爲神農之言真書者古仙之作其意一
則爲得仙傳者之印證二則爲凡夫妄爲者之解惑夫欲解妄
爲之惑謂凡夫偏於貪利無不妄爲造假爲真以欺騙人貪爲
掩暫

暫時掩人之目而求必用又名染暫言染造暫時爲銀色也
既得假銀小利恨不煉大丹而取大富豈知仙訣大丹上天重
禁秘藏不爲世間凡夫用更不爲滅德者用彼貪之不已而誤
信者是不見其有真丹書之正法未解其惑而然若有見真書
之理必當自思我之所爲皆不如是所聞者又無從得如是既

不如是卽不如是理之可成是今無此事也明矣而妄求之心亦當已矣好將求外欺人騙人之心洗刷懺悔淨盡戒惡改過從善修心動求身心性命正道修個可得仙道之根基便有可得外丹仙術之因

欲求正果必修正因

可不勉哉欲求仙術成銀而不積德修正道是猶戲臺上優人自稱漢祖唐宗終日說入關中取鳳城口妄說而終不可有得也何以異夫可爲得仙傳之印證者以何書爲真如太上之黃芽歌之金碧古文龍虎上經元君之玉清內書金華玉女之說丹經鬼谷子之九轉金液大還丹歌術中經廣成子之浮黎鼻道藏輯要

仙佛合宗語錄

全

畢集二
X〇上

祖許旌陽真君之石匣記之神樓賦諶母元君授許旌陽之銅符鐵券吳猛真人之直指靈文

此卽銅符鐵券之註合書於每章之下

之大還丹歌葛仙翁

名玄字孝先

之採金歌二篇之神符經九霄真君之大丹歌之妙解錄鍾離正陽真人之破迷歌呂純陽真人之認真歌程昭之析理真訣張紫陽真人之金火歌之金丹四百字之大丹歌李靈陽之立靈備覽嚴君平之鉛汞歌王果齋之金丹鉛汞歌薩真人之太上指迷血論之鉛汞歌范文正公之漁庄錄虛靜真人張天師

之管見歌高象先之金丹歌張三丰之鉛汞歌白玉蟾真人之
金華沖碧丹經秘旨之地元真金歌

歌乃真書正理及後世棍徒借曰仙翁之名假託爲做法註
於下其註不可信

之三元樞要之金碧寶鑑尹文始真人之大丹歌李真人之龍
虎還丹訣李光元之海容論彭曉真人之明鏡匣之識一歌百
玄子之金丹真一論清和子林太古之龍虎還丹訣雷一陽之
黃白破愚之黃白鑑形

歌論是原本真書另有做手一本是後光棍假作切不可信
王敬所之金丹捷要

道藏輯要

仙佛合宗語錄

卷

畢集二

洪武時人雷一陽之師

張元德之丹論訣旨心鑑劉太初之金丹辨惑

仙家四書有四種此一種也

陳自得之外丹敲爻歌

嘉靖時福建人也

之黃白直指之金谷歌之竹泉詞玉田氏之金大靈篇慕陽子
之慕陽真訣

此爲徽人方姓止能祖述丹經作詩歌不悖於理而亦不知
內事者

鉛汞歌等書仙術之同

有得於神仙下降而傳者有自悟虛理而不能燒煉唯効法
作書以表所悟者

爲真理之可取證者畧舉如此而我伍子不獲已於無言恥舉
世之爲人惑亦作神丹理論九章痛爲之辯

皆試驗事理與許旌陽神樓賦符券書及葛翁採金歌皆合
符節老師所言仙丹者與世不同一轉成母二轉成丹三轉
點化漸至九轉而浮黎神氣似有似無者可服食延年而亦
不能倚着誤內修

已抄出於世誠世之愚

仙丹天禁至重唯傳苦行學仙者今古皆不令凡夫知此言

道藏輯要

仙佛合宗語錄

畱

畢集二
川上川

點化服食正謂闢世之妄爲者予以空言闢之彼曰汝不知
此理曾似我知焉肯改過予以知真闢世後之妄假無非欲
明得此理或可自悟自戒

以答張李曹三眞人之付囑他如秋日中天

成化時人所作

如夢覺新書

序文甚是正理篇目散亂不真

如金丹法藏如百法問如洞天秘典如火蓮經如觀花記如黃
白承志錄等書醜疵眞僞相雜不由仙傳而不同仙術作於誇
能之臆見而陷人以疑論固不足證矣又如度世眞機如我度

法度如琴火重光如假漁庄做手如假黃白鑑形做手如假地
元真訣做手

此三書皆論真丹之理萬歷末年乃有三種假法做手是當
時提鐘光棍所偽造者切不可信

如三十六照如六十四匱法如七十二家爐火等書猶假甚之
不可取證者弁我所未及見者姑不枚舉是所必不可見者見
之則害人心術吾又論之仙師之傳道必擇心專念篤能修道
者故有直授財物助弟子得以供日用而遺世絕俗以密修虎
皮座張真人助李虛庵真人以行道之資是也而又授以已成
之丹藥兼授鍊銀之仙術故秘授成銀仙術得以潛煉助道者
道藏輯要

仙佛合宗語錄

金

畢集二

陳正懿謂侯楷曰苟非栖隱山林未易有得也言居俗者必
不得也

亦甚多人於中亦有未得授成銀仙術貧乏不堪潛修必用外
護者

如伍達靈之得張仲二友如張紫陽之得馬陸二公如王沖
然之得富韓公李長源之得筠陽親舊

又有說焉當其初修仙道於世間則亦必用世間之財爲日費
之計

如鍾離真人云真炁未完一日三餐要食大藥未就一年四
季要衣卽佛藏寶積經所云以生死財而求甘露不死仙財

是也

今而資之外護者室中三四人

如王重陽真人用李靈陽和玉蟾護法而二人皆得道如張紫陽真人用白龍道人劉守益護法而師徒二人皆得道

日給用銀不過五六分七八分

每一人大約用二分三人者則六分四人者則八分

歲不過三十金二年工則二其三十三年工則三其三十

若造靜室關房則所費不能預算多寡唯量力

世間每有信向仙道能出此等些微之財為護者儘多及愿為如此等護者亦儘多要知護仙佛者即得仙佛凡用護者必先

道藏輯要

仙佛合宗語錄

卷

畢集二
川上女

見得此人德行可證仙佛志念可證仙佛則用其護共修同證如佛所言施者受者同成佛道若無可證仙佛之德志者不可用其護所謂不使人間作業錢避天罰之無成豈容一概混用哉古仙所謂財不難兮侶卻難者又云擇侶擇財求福地者是也

彭真一云投名山絕常交結仙友隱密潛修晝夜無怠方可希望

又問曰修仙道者果鍊銀為好乎果不鍊銀為好乎答曰昔龍眉子云欲為跨鶴之遊必藉腰纏之助鍊固方便美事但鍊銀不密即為招禍之媒或至喪身失命而反誤道或至遺棄所戒

而不能護道雖鍊之亦無益此不奉仙師鍊丹之戒者而然也
不鍊銀者未有不依外護依護者則宜不甚遠於世人之居而
便給飲食

太遠則給護者厭煩太近則又恐世事干擾畧近而僻靜方
妙

鍊銀者自有護必入深山窮谷居之

抱樸子曰入山道者當懸鏡則魅不敢近人凡仙來及山神
來鏡中猶是人形若鳥獸邪魅鏡中即現鳥獸本相不敢近
人矣魅去則必卻行是魅必無踵若有踵者則山神也

古仙所謂起來旋點黃金用不使人間作業錢是也一切皆取

道藏輯要

仙佛合宗語錄

卷

畢集二
川上上

之自辦遺世可矣甚省交接應酬閑是非得以專心悟道而速
證果古仙依此修行者其證果更大若不鍊銀及不用外護者
又有居山二法一法者三四師徒道友各辦銀三十兩爲自身
一人之費三年亦足用不必妄疑而多求則各具而各足何難
之有且居孤寂之山不能多藏蓄欲爲弭盜之法

弭賊是止盜賊不生窺職之心使無可窺者

莫善於以銀溶入銅鉛中祇見銅鉛之廢形而不見銀形則禍
不生

凡取用爲買辦則煎銷些微若似從布施來者及一切衣食
等物皆不令多餘

或每人以三十金爲入攢米堂之資

有密修者雖待食於堂亦必要靜室離堂半里一里許有送供之規則在

則亦足二法者三四同志再多用二三人之力耕以取食鑿以取飲苦修行之正仙佛之所當然者後學若以此法自修亦可矣亦不必鍊誨盜之銀也切以此囑昔曹還陽真人囑予曰鍊銀真是仙術天福所關只許汝一見不許汝妄意常常爲之恐迷於射利甚喪厥志且古言不受苦中苦難爲人上人三洞聖眞無不由苦行精修者予其勉之予敬守斯誠言而亦宣言以誠後人後人其亦奉誠自勉之

道藏輯要

仙佛合宗語錄

卷

畢集二
川文上

十九問曰彼教不信長生而任其有死者必有後生

凡人之生於世間生有身矣則必有死及其死矣性靈無所依泊則必又生

抑何所爲不生於天而生於人畜願語與後學知之答曰生畜之因最多不善而貪嗔痴淫皆畜因也世尊教人戒淫爲第一事卽其故也故有序云觀其源始不離色心生滅輪迴斯爲苦本聖人超悟息駕反源拔出三界然後爲道是也

予言止此

今詳說之人若能修眾善能斷淫事淫慾

卽悟楞嚴經所謂執身不行淫而斷淫事執心不思淫而斷